

Enformaziuns y Comunicaziuns

Sant'Anna sò La Crusc: En dedemesaledema ai 26 de messé él Sant'Anna, con funziuns ince sò La Crusc. Ales 7:30 él la prozesciun da San Linert cina sò La Crusc. Lassò él ales 9.30 la mësxa y dedò prozesciun eucaristica con 2 vagneli. Al é ince la poscibilité da roé sò cole lift.


Ciasa de Palsa: Berbesc y mèdes dla Ciasa de Palsa envièia dōta la jont a na encuntada, en domègna ai 23 de messé. Ales 9:30 él la santa mësxa t'entrada dla Ciasa de Palsa y dedò é duc enviés da sté adòm con en picio renfräsch y musiga.

Dotur: Le dotur Aldo Marcocci lascia alessèi che al sará demez dai 17 ai 21 de messé. Al vèn sostituí te so ambulatore a Al Plan dal dotur Luca Galliazzo, al numer 0474/501477 o 342/5181295.

Gara de bobby-car: En gaujiun dla gara dla roda KronplatzKing, vègnel organisé na gara de bobby-car, sòle toch de strada danter Brunella y bar Meo. Al vèn fat trèi categories: èi singui, ères singui y mitans/mituns nasciüs cina dan le 2003. Por podèi fá empara mëssum se iestí en casco dl roda o dal motor, manèces y proteziuns por jenèdli y comeduns. L'iscriziun costa 7,00€ a ce y vèn tuta sò pa Lukas Palfrader al nr. 334/7006754.

Curs: Al vèn tigní en curs de ginastica t'ega - acquagym - con Karin Taibon. An mèt man en lönesc ai 17 de messé ales 20:00, tal Hotel Corona, y jará ennant vignè lönesc, por endöt 8 iadi. Por se scrí ete, él da telefoné a Karin al nr. 329/2223634.

Ciafede les 8 desferonzies



Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vighile

Ploan: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann A

16.07.2017 - 15. Domègna dal ann liturgich A

nr. 34

Al portará früt: tronta, ciont, sessanta, tronta iadi tan!

Dal Vagnele do San Mateo 13, 1-23

En somenadú é jù te ciamp a somenê. ⁴Canch'al somenâ, é na pert dai graní tomada te tru, y al é gnü i vici y i á mangé sò. ⁵N'atra pert é tomada sòn lastun, olach'al ea ma pücia tera, y ara é atira corsciüda sò, deache la tera n'ea nia sota; ⁶mo canch'al é loé sorèdl, éra borjada y seciada ia, deach'ara n'â degünes raisc. ⁷Endò n'atra pert é tomada tai spinac, y i spinac é corsciüs sò y á sofié la somonza. ⁸N'atra pert é tomada enultima sòn de bun terac y á porté früt, na pert ciont, na pert sessanta, na pert tronta iadi tan. ⁹Chèl co á orèdles, dess aldí! **Parora dal Signur!**



Ci somonza sunse pa nos?

Gejú baia te paraboles y i discepu se damana ciodi che al baia enschiö, ciodiche an mës se sforzé da proé da capí ci che al mina. En cösc iade él Gejú co spliga ci che al á orü dí. Les somonzes tomades te tru é les porsones co ascuta sò la Parora de Dio mo ne la capèsc nia, porchèl mörera tosc ince jö. Les somonzes tomades sòn lastun o sòn pera é chès porsones co ascuta la Parora y mèt man con en grandiscimo entusiasmo, mo deache la raisc n'é nia sotes, mör cösc sentimont tosc jö y cöstes porsones lascia ester ala pröma dificolté o al pröm svantaje. Les somonzes tai spinac é chès porsones co mèt en pratica la parora, mo se lascia spo demoralisé dai fistidi o adurbé dai bëns dal monn. Ala fin la somonza co toma sòn bun terac: chès porsones co tin pa Dio, anfat ci ch'al sozeda. Al n'é nia saorí, mo le vagnele dij: ares porta früt. Sambèn, cösta parabola é zacó dagnora ince na provocaziun, mo plü co na provocaziun él en apel a nosc cör, en envit da se fá vignönn y vignöna enstès la domanda: ci somonza sunse pa iu? Ola sunse pa iu tomé? Te tru, tla pera, tles spines o tal bun ciamp? Tan ascuti pa la Parora, tan tigni pa lassora, tan m'anfidi pa ince da la desmostré y la mëter en pratica, cis sce al vèn magari aledé situaziuns zities o sce i vègni cinamai scraié fora o tut por le nes por mio crèie? Ma tö che te lies pos te dé la resposta. Y da passé dal tru o dales spines ia tal ciamp, vára dagnora!

Domëgna: 16.07.2017: XV. Domëgna dal ann Liturgich: Ann "A" S.Matteo

8.30: S.M. a La Pli

9.30: **Oraziun dla domëgna: Corona**

S.M. pro popolo por dōta la Ploania Benedisciun dal Tomp



18.00: S.M. por +nta Mutschlechner Rosa dal Pech
S.M. de rengr. por Fam. Valentini Konrad y Maria
S.M. por +nt Ties Tone dal Nora
S.M. por vīs y +nc' dles Fam. Prousch y Perathoner
S.M. de rengr. por Fam. Perathoner Emil y Barbl

Lön. 17.07: Sa.Donata, S.Gabriele, Sa.Charlotte, Sa.Hedwig

7.30: S.M. por vīs y +nc' dla Classe 1928
S.M. por +nt Tone Daverda dla Tesceria
S.M. por +nt Carlo Erlacher dal Kraizer
S.M. por +nt Josef Kosta
S.M. por +ntes Senza Linder y Cristina Prousch
S.M. por +nc' Zenzo y Agata Trebo, Cone da Val

Dédol. 18.07: Feria dla 15. edema: S.Arnold, Sa.Odilia,

7.30: S.M. a La Pli

19.30: **Corona por la Familia**

Dédem 19.07 Feria dla 15. edema: S.Foppo, S.Bernulf

18.00: S.M. aniv. por +nt Lois Valentin, dal Postmeister
S.M. 1. aniv. por +nt Piazza Albert da Roalta
S.M. por +nt Pepi Dejaco
S.M. aniv. por +nt Jep Ties da Plazores
S.M. por +nc' Paul y Michelina Kastlunger, Medo
S.M. por dūc' i +nc' dal Medo

**Jöbia 20.07: Feria dla 15. edema: Sa.Margareta, S.Apollinaris
Vijita ala dljia y cortina**

19.30: S.M. a La Pli

Vëndr.21.07: Feria dla 15. edema: S.Laurentius da Brindisi

7.30: S.M. aniv. por +nta Moling Giorgia
S.M. por +nta Lies Comploi de Mano
S.M. ad int. por la sanité
S.M. por +nc' Jan y Christian Vollmann, Ràs

15.00: **Ora de oraziun**

Sab.22.07: Memoria de Sa.Maria Magdalena, Sa.Verena, S.Eberhard

17.00: **Poscibilitè da se pissié**

18.00: S.M. por +ntes Lanz Germana y Genoeffa
S.M. por +nta Kosta Maria
S.M. +nc' Iaco y Elisabeth Erlacher, de Corcela
S.M. por +nta Maria Teresa Rungger, dal Hintner

Dom.23.07: XVI. Domëgna dal ann Liturgich: Festa de Sa.Anna

Oferta por i bojūgns dla Ploania

8.30: S.M. a La Pli

9.30: **Corona dla domëgna**

10.00: **S.M. pro popolo por dōta la Ploania: Benedisciun dal tomp
S.M. de rengr. y suplica en onú de Santa Anna**

18.00: S.M. por vīs y +nc' Maneschg da Ciane
S.M. por +nc' Palfrader da Viena
S.M. por +nta Erlacher Pedevilla Marianna
S.M. por +nta Paula Rindler de Costata



I ponsun do al Vagnele

Belo i apostui se damanâ ciodí che la Noela de Gejú y dai profec n'â nia deplö suzes. Ince nos se damanun: Ne basta nia la forza dla Parora de Dio por superé le mal dal monn? Gejú nes ensëgna, che la Parora ne arjunjun nia con pūgns stersc, mo ara ti lascia la liberté de dezijiun a vigne porsona. Ma enló olache ara vëgn tuta sö, pórtara früc. Nosta pücia fede y nosc ce dūr po ti tó la faziun ala Parora de Chël Bel Dio. (Sonntagsbibel)

Liberté

Dio á to ennom sön sü slefs.
Le sonteste te to cör?
Canche al te baia ados,
se daürel i trus.
Mo jí mësste tö.
Al ne i vá nia empede te.
Porchël t'al dé la orenté.
Te pos orèi val'. Te dijés de sciö.
Ne t'os nia val'. Te dijés de no.
Cösc te dá liberté,
ciodí che lëdia é chë porsona
co ne depënn nia dai atri.
Te tóles tōa vita tles mans
y te portes la responsabilité
por ci che te fejes adenfora.
Dio damana: Ci oste pa?
Al ne te sforza nia sö söa orenté.
Mo al te sta dlungia con so aiüt,
anfat ci dezijiun che te tóles.
(Parores por vigne momont)

UNGLAUBLICH

WO DU'S

NICHT

GLAUBST

AN

JENEM ORT

BLÜHT

UNERWARTET

GOTTES

WORT



Tony Schreiber

Nos sun pelegrins, co vá sön trusc desvalis adencuntra en medemo travert.

(Antoine de Saint-Exupéry)

I conesciun la verité nia mat con le ciorvel, mo ince con le cör.

(Blaise Pascal)

Oferta por +nt Carlo Erlacher dal Kraizer

Dljia: Comploi Anna

Der bel iolan

Sorvisc dai Ministronc

Lönesc 17/07 (07:30h), Dédemesaledema 19/07 (18:00h), Vëndres

21/07 (07:30h) : Daniel y Simon Comploi;

Sabeda 22/07 (18:00h): Claudia y Susan Kaneider, Mattia Leggio, Jan Paul Promberger, Giada y Ginevra Regis;

Domëgna 23/07 (10:00h): Elisa Frenademetz, Michael Leimegger, Stefan y Thomas Palfrader, Jasmin y Martina Ties;

Domëgna 23/07 (18:00h): Sofia Alberti, Lucy Call, Lara Fappani, Lisa Maneschg, Caspar y Moriz Videsott;

